

ma soto. Ave mancho balote che prima, zoè 87, 121, e nel primo ave 89, 118, e fe' saltar suso sier Zorzi Pixani dottor et cavalier, fo savio dil Consejo, 90, 126, che nel primo scurtinio ave 60, 152; *tamen* niun passoe, et fo ben fato.

Fu prima, che si balotasse tal scurtinii, posto, per i Savii, una letera a Verona a sier Francesco da cha' da Pexaro orator nostro in risposta di sue, laudando la risposta fata zercha i foraussiti, e questa restitution non è in li capitoli di le trieve; ma ben darli il quarto di le intrade, perchè questi tali hanno fato mal officio. *Item*, a la scrittura esso Orator ne ha mandato di proposition da esser fate a li agenti cesarei di rehaver i lochi nostri e ville del Friul, vedemo quella esser molto copiosa et longa, però si ha restreto, e debbi darle come vederà in lo incluso sfoio. *Item*, di qui si conta li danari al todesco; con altre parole; et ave tutto il Consejo.

79* Fu poi leto, per Bortolo Comin secretario, una altra parte zercha sier Zuan Emo di sier Zorzi procurator, è in exilio, posta per sier Andrea Fosearini, sier Sebastian Justinian el cavalier, sier Marin Zorzi dottor consieri, sier Antonio Grimani procurator, sier Piero Capello, sier Alvixe di Prioli, sier Francesco Bragadin savii dil Consejo, nè altri volse esser in opinion, *videlicet* sier Francesco Foseari, sier Andrea Basadona, sier Sebastian Moro consieri, sier Andrea Trivixan el cavalier savio dil Consejo, sier Piero Contarini, sier Tomà Mocenigo, sier Marco Foscari savii a Terra ferma. La qual parte è di questo tenor: che vertendo in dubio se si pol meter a questo Consejo, per recuperar il danaro di la Signoria nostra, di dar salvoconduto al prefato sier Zuan Emo per 3 mexi, che 'l possi venir in questa terra et star in uno monasterio, over dove parerà, acciò possi dechiarir a l'oficio di Avogadori Estraordinarii etc. Et sier Zorzi Emo procurator, suo padre, promete pagar come in la suplica et parte leta a questo Consejo apar, remanendo *in omnibus* ferma la condanason. Però per *viam declarationis* l'anderà parte che la dita oblation di suo padre et parte predita si possi meter in questo Consejo; con altre parole *ut in ca.*

Et lecta, sier Francesco Morexini, sier Marco Antonio Contarini avogadori di Comun andono a la Signoria, sier Mafio Lion terzo collega non si mosse, et disse non potevano meter questa parte, et loro Avogadori voleno prima meter la sua, che questi tali siano cazudi a la pena di ducati 1000, perchè in la condanason di l'Emo è gran striture non si possi interpretar, dechiarir, alterar etc. E domente si feva

queste parole, sier Lorenzo Venier el dottor, avogador extraordinario, andò in renga e fece una bellissima renga da avogador contra questa parte, dicendo questo è un romper le condanason fate contra li absenti, comemorando quello havia fato predito sier Zuan Emo camerlengo di comun, alegando exempii dil Doxe da cha' Venier, che suo fiol morse in prèson per la justitia, dil doxe Foscari che suo fiol unico fu posto in exilio, concludendo non se dia aprir questa porta contra li absenti; e si suo padre vol contar con l'oficio e pagar, è prestì a contar li danari ha tolto *indebite*.

Et li rispose sier Marin Morexini, fo avogador di Comun, qu. sier Polo, qual parlò benissimo in favor di la parte, dicendo la si puol meter per recuperar li danari dil Stado, non per alterar la condanason; fe' bona et eccellente renga. Venuto zoso, fo licentià il Consejo, nè si mandò la parte: era hore 3 1/2.

223 *Sumario di tre Savii dil Consejo.* 80

Sier Zorzi Pisani dottor, cavalier, fo savio dil Consejo, qu. sier Zuane	60.152
Non. † Sier Luca Trun, fo savio dil Consejo, qu. sier Antonio	118.102
Sier Antonio Condolmer, fo savio a Terra ferma, qu. sier Bernardo	45.175
Sier Gasparo Malipiero, fo Cao dil Consejo di X, qu. sier Michiel.	51.166
Sier Hironimo Justinian procurator	68.150
Sier Daniel Renier, fo capitano a Verona, qu. sier Constantin	78.144
Sier Zuan Badoer dottor e cavalier, fo podestà a Brexa, qu. sier Renier	97.119
Non. † Sier Zorzi Corner el cavalier, procurator, fo savio dil Consejo	110.106
† Sier Lunardo Mocenigo, fo savio dil Consejo, fo dil Serenissimo	166. 48
Sier Zuan Venier, fo Cao dil Consejo di X, qu. sier Francesco, qu. sier Alvixe procurator	89.118
† Sier Antonio Trun procurator, fo savio dil Consejo	123. 97